

შ.პ.ს "სისნეტი" ბრენდის სახელით "FastCloud" (შემდგომში "შემსრულებელი"), ერთის მხრივ და სსიპ კულტურული მემკვიდრეობის დაცვის ეროვნული სააგენტო მეორეს მხრივ (შემდგომში "დამკვეთი"), ვდებთ ხელშეკრულებას და ვთანხმდებით ქვემოთგანსაზღვრულ ურთიერთსასარგებლო საქმიანობაზე:

1. ხელშეკრულების საგანი

1.1. წინამდებარე ხელშეკრულების ძალით მხარეები თანხმდებიან, რომ მისი მოქმედების პერიოდში "შემსრულებელი" "დამკვეთის" ნების საფუძველზე გაუწევს "დამკვეთს" 1.2 პუნქტით განსაზღვრულ მომსახურებას (შესყიდვა ხორციელდება სსიპ კულტურული მემკვიდრეობის დაცვის ეროვნული სააგენტო და ნორვეგიის კულტურული მემკვიდრეობის დირექტორატს შორის დადებული მრავალწლიანი საგრანტო შეთანხმების საფუძველზე პროექტის "მცირე და საშუალო ისტორიული ქალაქების მართვის გაუმჯობესება" ფარგლებში).

1.2. წინამდებარე ხელშეკრულების 1.1 პუნქტში განსაზღვრული მომსახურება გულისხმობს: "დამკვეთი"-სათვის ჰოსტინგ მომსახურებას, რისთვისაც "დამკვეთი" - სათვის "შემსრულებელი" მის კუთვნილ სერვერზე გამოყოფს არენდით „დამკვეთი“-ის მიერ მოთხოვნილ ვირტუალურ რესურსებს (CPU, RAM, HDD), რომელიც მოთხოვნილია მის მიერ რეგისტრაციისას. ამასთან გარანტირებული აფ-თაიმი შეადგენს 99,9% (CPV კოდი 72415000).

2. ხელშეკრულების შინაარსი

2.1. მხარეები თანხმდებიან ზუსტად და დროულად შეასრულონ ნაკისრი ვალდებულებები.

3. ანაზღაურების წესი

3.1. მხარეები თანხმდებიან, რომ "შეკვეთის" ფასი განისაზღვრება ეროვნულ ლარში შერჩეული პაკეტის მიხედვით. იხილეთ დანართი 1.

3.2. "დამკვეთი" იღებს ვალდებულებას უზრუნველყოს 3.1 პუნქტით განსაზღვრული თანხის გადახდა ხელშეკრულების ხელმოწერის შემდეგ მიღება-ჩაბარების აქტის გაფორმებიდან 10 სამუშაო დღეში, ასევე ყოველ მომდევნო თვეში ერთხელ არა უგვიანეს 10 რიცხვისა.

4. პასუხისმგებლობისაგან გათავისუფლება

4.1. მხარეები თავისუფლდებიან წინამდებარე ხელშეკრულებით ნაკისრი ყოველგვარი პასუხისმგებლობისაგან, თუ მათი ვალდებულებების ნაწილობრივი, ან სრული შეუსრულებლობა გამოწვეულია მათთვის დაუძლეველი ძალის (ფორს-მაჟორის) მოქმედების გამო. ასეთ გარემოებებზე მიიჩნევა: საბრძოლო მოქმედებები, სტიქიური უბედურებები, დივერსია, ხანძარი, ბლოკადა, ელექტროენერჯის კრიზისი, ცვლილებები კანონმდებლობაში და სხვა გარემოებები, რომლებიც შეუძლებელს ხდიან ვალდებულებების ჯეროვან შესრულებას.

4.2. ფორს-მაჟორული გარემოებების მოქმედების დამთავრებისთანავე მხარეებმა უნდა განახორციელონ ასეთი გარემოებების დადგომამდე ნაკისრი ყველა ვალდებულება.

5. მხარეთა პასუხისმგებლობა

5.1. "შემსრულებელი" ვალდებულია: განახორციელოს მისი კუთვნილი სერვერების მუდმივი მონიტორინგი და იზრუნოს მათ უსაფრთხოებაზე, მოახდინოს ვებ გვერდის (თუ ასეთი არსებობს) სარეზერვო ასლის შენახვა როგორც იმავე დატაცენტრში ასევე დაშორებულ დატაცენტრში და ვებ გვერდის არასანქცირებული დაზიანების შემთხვევაში მოახდინოს აღდგენა სარეზერვო ასლებიდან. ამასთან "შემსრულებელი" არ არის პასუხისმგებელი "დამკვეთის" მიერ მისთვის გამოყოფილ ვებ სერვერში გამოყენებული პროგრამული უზრუნველყოფის უსაფრთხოებაზე.

5.2. "დამკვეთი" ვალდებულია ხელშეკრულებაში მითითებულ ვადებში შეასრულოს 3.2. პუნქტით ნაკისრი ვალდებულებები;

5.3. "დამკვეთი" იღებს ვალდებულებას არ ჩატვირთოს სერვერზე, არ გამოიყენოს გასაგზავნად ან არ განათავსოს კონტენტრომელიც:

- არის არაკანონიერი, მუქარის შემცველი, შეურაცმყოფელი, რომლებიც არღვევს საავტორო უფლებებს, პროპაგანდას უწევს რასობრივ, რელიგიურ, სქესობრივ, სოციალურ დისკრიმინაციას და აღვივებს შუღლს, შეიცავს შეურაცყოფას კონკრეტული პირებისა და ორგანიზაციების მიმართ;

- არღვევს არასრულწლოვანთა უფლებებს, შეიძლება მათთვის ნებისმიერი ფორმით ზიანის მიყენება;

- არღვევს ან ავიწროვებს უმცირესობათა უფლებებს;

- იმ კონტენტების ჩატვირთვა, გაგზავნა, გადაცემა ან სხვა სახით განთავსება, რომლებზეც თქვენ არ გაგაჩნიათ უფლება გახადოთ საჯარო საქართველოს კანონმდებლობით, ან რომელიმე ხელშეკრულებით;

- იმ კონტენტების ჩატვირთვა, გაგზავნა, გადაცემა ან სხვა სახით განთავსება, რომლებიც ეხება რაიმე პატენტს, სავაჭრო ნიშანს, კომერციულ საიდუმლიებას ან არღვევს მესამე მხარის საავტორო უფლებებს.

- იმ კონტენტების ჩატვირთვა, გაგზავნა, გადაცემა ან სხვა სახით განთავსება, რომლებზეც შეიცავენ სპამს, უცხო ელექტრონულ მისამართებს;

- იმ კონტენტების ჩატვირთვა, გაგზავნა, გადაცემა ან სხვა სახით განთავსება, რომლებიც შეიცავენ ვირუსებსა და სხვა კომპიუტერულ კოდებს, ფაილებს და პროგრამებს, რომლებიც განსაზღვრულნი არიან პროგრამების, კომპიუტერებისა და ტელესაკომუნიკაციო მოწყობილობათა ფუნქციონალური შეზღუდვის, დარღვევისა თუ განადგურებისათვის. ასევე კომერციული პროგრამული პროდუქტების სერიული ნომრების, კოდების, ლოგინების, პაროლების ან სხვა რაიმე ინფორმაციის გამოქვეყნება, რაც ხელს შეუწყობს ინტერნეტის ფასიან რესურსებში არასანქცირებულ ხელმისაწვდომობას, აგრეთვე ზემოთაღნიშნულ ინფორმაციაზე ლინკების განთავსება;

- მესამე პირთა შესახებ ინფორმაციის შეგროვება და შენახვა;
- მესამე პირების ქსელში ნებისმიერი სახით წარმომადგენლობა;
- საქართველოს კანონმდებლობისა და საერთაშორისო ნორმების შეგნებული დარღვევა;

5.4. მომსახურების ღირებულების დროულად გადაუხდელობის შემთხვევაში „შემსრულებელი“ უფლებამოსილია შეუჩეროს მომსახურება „დამკვეთს“ გადახდის ვადის გასვლიდან 10 სამუშაო დღეში, რა პერიოდშიც ინახავს მის კუთვნილ სერვერზე არსებულ „დამკვეთის“ მონაცემებს (ელფოსტას, ვებ გვერდის ბაზას და ა.შ.), ხოლო წერილობითი გაფრთხილებიდან 10 სამუშაო დღის გასვლის შემდეგ წაშალოს სერვერიდან „დამკვეთის“ ყველა მონაცემი გაუფრთხილებლად.

5.5. მხარეთა მიერ ნაკისრი ვალდებულებების შეუსრულებლობის, ანდა არაჯეროვანი შესრულებისას, დაინტერესებული მხარე უფლებამოსილია ცალმხრივად შეწყვიტოს წინამდებარე ხელშეკრულების მოქმედება და მოითხოვოს მიყენებული ზიანის ანაზღაურება საქართველოში მოქმედი კანონმდებლობის საფუძველსა და ფარგლებში.

5.6 „დამკვეთის“ მხრიდან ხელშეკრულების ინსპექტირებას და მიღება-ჩაბარების აქტის გაფორმებას განახორციელებენ სსიპ კულტურული მემკვიდრეობის დაცვის ეროვნული სააგენტოს თანამშრომლები: მანანა ვარძელაშვილი, თენგიზ ჩოლოყაშვილი.

6. კონფიდენციალურობა

6.1. შემსრულებელი იღებს ვალდებულებას - დაიცავს კონფიდენციალურობა დამკვეთის მიერ მოწოდებულ თუ სერვერზე განთავსებულ მასალებზე, არ შეინახოს და არ გაავრცელოს ისინი.

7. დავების გადაწყვეტის წესი

7.1. მხარეები იღებენ ყველა ზომას, რათა ამ ხელშეკრულებიდან წამოჭრილი ყველა დავა, ანდა წინააღმდეგობა გადაწყდეს მოლაპარაკების გზით.

7.2. სადაო საკითხების მოლაპარაკების გზით გადაწყვეტის შეუძლებლობის შემთხვევაში, მხარეებს გააჩნიათ უფლებამოსილება მიმართონ სასამართლოს და გადაჭრან სადაო საკითხები საქართველოს კანონმდებლობით დადგენილი წესების თანახმად.



8. დასკვნითი დებულებები

8.1. წინამდებარე ხელშეკრულება ძალაში მისი ხელმოწერის დღიდან და მოქმედებს 2017 წლის 30 აგვისტოს ჩათვლით.

8.2. წინამდებარე ხელშეკრულებაში ცვლილებებისა და დამატებების შეტანა, მისი გაუქმება დასაშვებია მხოლოდ მხარეთა ურთიერთშეთანხმებით. ამასთან გაუქმება, ცვლილება, ან დამატება უნდა გაფორმდეს წერილობით და ხელმოწერილ იქნას მხარეთა მიერ.

8.3. წინამდებარე ხელშეკრულება რეგულირდება საქართველოს მოქმედი კანონმდებლობით.

9. მხარეთა რეკვიზიტები

<p>„შემსრულებელი“</p> <p>შპს „სისნეტი“ ს/კ: 400157076 მისამართი: გურამიშვილის გამზ. #41გ თბილისი ბანკი TBCBGE22 GE73TB7357736080100004 დირექტორი</p> <p>ა. ვაჩაძე _____</p> <p>ბ.ა.</p> 	<p>„დამკვეთი“</p> <p>კულტურული მემკვიდრეობის დაცვის ეროვნული სააგენტო ს/კ: 204562311 მისამართი: თაბუკაშვილის ქ. #5 დირექტორის მოადგილე</p> <p>პაატა დოლიძე _____</p> <p>ბ.ა.</p> 
---	---

დანართი 1

ჰოსტინგის 1 წლის საფასური - SSD ჰოსტინგი პაკეტი ECONOMY (2GB სივრცე)	60 ლარი
--	---------

მხარეთა რეკვიზიტები

„შემსრულებელი“	„დამკვეთი“
<p>შპს „სისნეტი“ ს/კ: 400157076 მისამართი: გურამიშვილის გამზ. #41გ</p>	<p>კულტურული მემკვიდრეობის დაცვის ეროვნული სააგენტო ს/კ: 204562311 მისამართი: თბილისის ქ. #5</p>
<p>დირექტორი</p>	<p>დირექტორის მოადგილე</p>
<p>ა.ვაჩაძე</p>	<p>პაატა დოლიძე</p>
<p>ბ.ა.</p>	<p>ბ.ა.</p>

ხელწერილი

ინტერესთა კონფლიქტის არარსებობის შესახებ

ქ. თბილისი

08 ივლისი, 2016 წელი

სსიპ "საქართველოს კულტურული მემკვიდრეობის დაცვის ეროვნული სააგენტო"-ს გენერალური დირექტორის მოადგილე და ხელშეკრულების შესრულების კონტროლზე უფლებამოსილი წევრი ვადასტურებთ, რომ სსიპ "საქართველოს კულტურული მემკვიდრეობის დაცვის ეროვნული სააგენტო"-ს მიერ სააგენტოსათვის ვებგვერდის ჰოსტინგის შესყიდვის პროცედურაში ხელშეკრულება N2/10 08.07.2016წ. ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და მიმწოდებელთან მონაწილეობით ინტერესთა კონფლიქტში არ ვიმყოფებით.

გენერალური დირექტორის მოადგილე:

პაატა დოლიძე



ჯგუფის წევრი:

მანანა ვარძელაშვილი



თენგიზ ჩოლოყაშვილი

